


Jun a pe cun le KVW: inviun duc ala proscima gita en mercuri, ai 13 de jügn. Jun söl Karerpass y spo alla Hanniger Schweige – Nigerpass. Piun ia da Pedraces dales 07:30 y sciöche dagnara prenotesse pro laco al nr. 0471/839772.

“Grup Atmosfera”: en jöbia ai 14 de jügn dales 15.30 ales 17.30 se incunta indô le grup de tēmp lēde Atmosfera te Raiun Sozial Val Badia a Picolin. En chēsc iade modelunse l'arjila y lascun lēdia nosta fantasia. Al sará ince tēmp por s'la cunté y sté adöm cun Irina Tavella y Barbara Rungger. Informaziuns pro Sabine Rainer tel. 0474/524519. Vignun/üna é bēgnnüs y é dēr bel inviá/des.

„Lauré l'urt y arigné ca produc te na manira sana“: la Uniun Eres San Martin inviēia a chēsc curs cun Pramstaller Martin ai 12 y ai 14 de jügn dales 18:00 a S. Martin. Informaziuns y prenotaziuns pro Margareth al nr. 339/3115679.



*Ai maestri y ai scolars
na bona conclusiun dl
ann de scora y de beles
vacanzes*



Plata dla Ploania

Badia

San Iaco - San Linert

Ploan: Siur Iaco Wendelin Willeit
Colonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz


UNITÉ PASTORALA



www.unitepastorala.org

Ann „B“ 10.06. - 17.06.2018 Festa Cör de Gejú n. 28

*Wir streben danach,
dass unser Herz
wie da Herz Jesu
demütig, gütig, barmherzig,
geduldig, weise und stark
werde.*



Vangele dla proscima Domēnia - 11^a Domēnia dl ann „B“

Mc 4, 26-34

Te chël tēmp ti á Gejú dit ala meja: Cun le rēgn de Dî era insciö, sciöche cun n'ël che somēna la somēnza te so ciamp; spo dormel y lê indô, al vēgn nôt y al vēgn de, la somēnza mēna y crēsc, y l'ël ne sa nia co. La tera porta da d'ēra instēssa so früt, impröma le fostü, spo le spi, spo duc i graní tl spi. Mo pormanche le früt é madü, tôlel la sojora, deache la sa-jun dla racoiüda é chiló.

Al á dit: Cun ci desson pa confrunté le rēgn de Dî, cun ci parabola desson pa le descri? Al ti somēia a n'granel de sēnf. Chēsc é le mēnder de duc i graní da somēnza ch'an somēna te tera. Ora ch'al é somené, se deurel y devēnta maiü co duc i ciarís y mēna fora de gran rames, tan che i vicí dl cil pó fá coa te süa ambria. Cun tröpes de te' paraboles ti ál incundé la parora, aladô ch'ai é bugn da la tó sö. Al baiâ impará mã te paraboles; mo a sü discepui ti spiligâl döt canch'al é su impará.

FUNZIUNS SACRES

10.06. Festa dl SACHER CÖR de GEJÚ

- 09.00** **Mëssa solena ciantada y sonada por la Comunità**
Prozesciun Eucaristica cun 2 Vangeli
†ti Anvidalfarei de Piz
por fam. Tone y Clara Anvidalfarei en reingraziamënt
- 18.00** †to Paul Adang
†to Lois Frena

12.06. Mertesc

- 19.30** por i crejimá dl ann 2017 y familiars en reingraziamënt
†ta Paola Frena Pitscheider
†to Franz Irsara da Castalta (dala uniun ei)

13.06. Mercui - **S. Antone da Padua**

- 07.30** †to Antonio Palumbo
†ti Adele y Giovanni Pescolderungg
†ti Giovanni Campey y Lola Ambrosino
en onur y reingraziamënt a S. Antone

14.06. Jöbia

- 19.30** Liturgia dla Parora

15.06. Vëndres – **S.Vito**

- 09.30** **Mëssa de conclujiun dl ann de scora elementara**
†ta Nane Nagler
†to Sepl Tavella
vis y †ti dla fam. Flatscher da Ciaminades

16.06. Sabeda

- 11.00** Mëss da noza de Alexia Tavella y Davide Schuen
16.00 Mëssa a Oies

17.06. 11^a DOMÈNIA dl Ann B

- 09.30** *Corona por la defunta Maria Nagler Valentini*
10.00 Mëssa grana
†ta Maria Nagler Valentini
†tes Maria, Nane y Frieda Valentin
- 15.00** *Ora de adoraziun*
18.00 †ta Waltraud Pizzinini (dal KVW)
†ti dl Strüm
por fam. Irmgard Winkler

Dala VITA dla CÛRA

Vëndres, 15 de jügn - mësses de fin dl ann de scora 2017/18

- dales 08:30 a La Ila
dales 09:30 a Badia por la scora elementara

Oraziun de Taizé: en vëndres ai 15 de jügn dales 20:00 te capela a Oies. Düc é dër bel inviá.



En sabeda, ai 16.06.2018 complësc **Sandro Costa** de Costa **80** agn y en domënia, ai 17.06.2018 **Lois Castlunger** dl Lech da Sompunt **86** agn y **Paola Valentini Costisella** da Peslalz **82** agn. Le Senioreclub y düta la Comunità ti aoda düt le bun, sanité y benedisciun de Df.

Convëgn "Amoris Laetitia": en mertesc ai 12 de jügn dales 18:00 ales 21:00 tl salf dles conferënzes dl Zënter Pastoral a Balsan. Al tolará pert ince nosc Vësko.

